



UNIVERSITÄTS-  
BIBLIOTHEK  
PADERBORN

**Poesis Sacra Sive Vitae, Mortis, Et Resurrectionis  
Salvatoris Nostri Jesu Christi Historia**

**Hermanni, Joachim Heinrich von**

**Hildesii, 1743**

**VD18 10904743**

8vò. S. Petri informatio ratione conversationis cum gentibus eidem cœlitùs  
facta.

---

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)



Aspicit Oceanum , populos censere ; profecto  
 Calculus hic hominum dabit innumerabile vulgus  
 Qui tamen ad binas , *Defuncti surgite* , voces  
 Exhibunt oculis ; & eâdem carne relecti,  
 Inter inauditos Cœli Terræque fragores  
 Iudicis obtutum pavidi lætæ subibunt.  
 Ad te convertor , viduarum Dorcas alumna ;  
 Promeritis bene digna tuis encomia tumbæ  
 Inscribe : Jacet hic inopum Patrona , viator,  
 Dorcas , nata semel , bis mortua ; vivitur illi  
 In Cœlis ætas modò tertia : quando reposeet  
 Ex hoc sarcophago cineres tuba magna , beatæ  
 Iungendos animæ , toti narrabitur Orbi,  
 Hanc in pauperibus Christum pavisse. Memento  
 Plurima lucrari , magnosque reponere quæstus,  
 Qui saturant inopes ; pressisque , favoribus adsunt.  
 Nos qui suppressimur , pia Dorcas , mole malorum  
 Ut Superos flectas in nostra petita , rogamus.

POESEOS SACRÆ ET PARTIS QUINTÆ  
 INDUCTIO OCTAVA.

ACT. APOSTOLOR. CAP. IO.

**V**ir autem quidam erat in Casarea , nomine Cornelius,  
 Centurio cohortis , quæ dicitur Italica , religiosus et  
 timens Deum. . . . Is vidit in visu manifestè , quasi horâ die  
 nonâ , Angelum Dei introeuntem ad se , & dicentem sibi  
 Corneli. . . . orationes , & eleemosynæ tuæ ascenderunt in  
 memoriam in conspectu Dei ; & nunc mitte viros in Joppam  
 & accersi Simonem. &c.

SYNOPSIS.

**D**ominus est Salvator noster Jesus Christus per Angelum instruit  
 Cornelium , ut Petrum Primate[m] Apostolorum ad se Casaream  
 invitet ; simulque ostendit Petro , non esse abstinendum à com-  
 muni , neque à conversatione gentilium : denique Paulum ad  
 eiochiam ad predicandum evocat.

Stre-



**S**trenuus Italica dux Præfectusque cohortis, <sup>Act. 10</sup>  
 Integritatis homo magnæ, Cornelius almâ <sup>1.</sup>  
 Cæsarreensi\* degebat Præses in urbe:  
 Non erat Hebræus; nec inania sacra Deorum,  
 Sed verum vivumque Deum, qui solus & unus  
 Regnat in æternum, solidâ pietate colebat.  
 Hic cum more suo strepitu semotus ab omni,  
 Submissis genibus, Superos in vota vocaret,  
 Missus ab Ætherea Divinus nuntius arce  
 Astitit oranti: niveo fulgore coruscum  
 Aspicit attonitus; positoque timore, requirit,  
 Quæ mandata ferat? respondet nuntius: Ante  
 Excelsi solium comparuit optimus ille  
 Affectus, qui te succurrere movit egenis;  
 Orandique frequens studium, quo nocte dièque  
 Sollicitas Superos, Dominum permovet, ut ad te  
 Me de Cœlesti Genium transmitteret Aulâ,  
 Notificare tibi, Ioppes subsistere Petrum,  
 Quem fovet hospitio Simon coriarius, Alti  
 Accola: non differ per nuntia missa benignum  
 Accersire senem; veniet tibi dogmata vitæ  
 Allaturus, Iis patefactis; candidus instar  
 Fulminis, æthereas Genius disparet in auras,  
 Accensus zelo fidei Cornelius almæ,  
 Ex famulis binos legat, quibus insuper addit  
 Armigerum quendam, Dominoque, sibiq; fidelem;  
 Ut festinantes abeant ad mœnia Joppes,  
 Inquirantque domum Petri, referantque reperto  
 Singula, quæ Dominus modò per sacra nuntia Cœli  
 Explicuisset ei; magnisque rogatibus instent,  
 Ut Cæsaream secum Cornelii ad ædes

V 3

Ne

\* Epenthes. lit. r.



Ne dedignetur comitari, & tendere dextram.  
 Illi abeunt, properantque citi: sed euntibus illis  
 Ecstatico raptu (si gentes fortè rogarent  
<sup>ad. 10</sup> Fratribus adjungi, quæ sint facienda) docetur  
<sup>10.</sup> Abreptus Petrus: siquidem prægrandis ab alto  
 Cornibus extremis oblongo fune ligatis,  
 Mappa ter ad Petri visum demissa, tenebat (nora  
 Quadrupedum, volucrumq; genus quodcumq; so-  
 Vox mappam comitata, Petro mandat, ut inde  
 Pro dapibus capiat, quæ sint placitura palato:  
 Petrus in excessu replicat, se lege teneri,  
 Declinare, quod est commune; sed arguit illum  
 Vox eadem, pariterque vetat communia dici,  
 Purificante Deo satis emundata. Reversus  
 Ad se Petrus avet, quid visio denotet illa,  
 Quidve jubere velit, claro cognoscere sensu.  
 Hæsitat in dubio: sed sanctus Spiritus illi  
 Explicat ostenti sensum, & Cornelii adesse  
 Significat famulos; quorum deferre petito  
 Imperat: hos igitur pulsantes ostia, Petrus  
 Comiter exceptos, dictâ acceptâque salute,  
 Ducit in hospitium; lassosque labore viarum  
 Procurat refici. Dapium virtute refecti  
 Fufius exponunt commissa negotia; vota  
 Subjungunt dominiq; preces, ut Petrus ad urbem  
 Cæsaris appropere velit, dominumque juvare.  
 Petrus inardescens animarum lucra mereri,  
 Se comitaturum, quamprimùm crastinus undis  
 Exierit Titan, radiisque retexerit Orbem,  
 Promittit famulis: qui lati, verba salutis  
 Ex Doctore pio, spatio pendente diei,  
 Accipiunt; tandem subducto Sole reclinant  
 Artus in dulcem, Petro mandante, quietem.

Vixque



Vixque secuta dies pelago surgebat, & astra  
 Undique vicinum fugiebant pallida Phœbum;  
 Sex legit ex numero fratrum Joppenſium, in ur-  
 Cafaris ut ſecum feſtinis greſſibus irent. (hem  
 Exſiliunt lecto prompti, tunicisque reſumptis  
 Aggrediuntur iter. Felici fidere nati,  
 Qui Cæſarreâ ſacrâ comitante catervâ  
 Reppetitis! vobis illuxit euntibus almi  
 Sol Evangelii; pretioſa occaſio! Petrus  
 Et fidi comites, uno conamine, Chriſto  
 Fidere commendant; exponunt dogmata; firmant  
 Ambiguos, & iter felici fine coronant.  
 Cum Petro ſocii veniunt Cornelii ad ædes  
 In Cæſarreâ; qui Cælo filius, eodem,  
 Nefcio quàm magnâ cordis bonitate, receptos  
 Pronus adorabat: Petrus tellure levatum,  
 Qui ſoli veròque Deo debetur, honorem  
 Puro homini deferre vetat; ſeſeque fatetur  
 Mortalem ſervumque Dei; veniſſe libenter,  
 Suppeditaturum lumen Cæleſte petenti.  
 Taliter exceptum Petrum ſociosque benignus  
 Centurio patulis trahit in cœnacula valvis,  
 Oſtenditque manu, multo conamine multos  
 Exambire viros Cæleſtia ſacra doceri.  
 Circumagit Simon oculos, cœtùmque decorâ,  
 Factus in exemplum reliquis, gravitate ſalutat;  
 Subjungitque ſtatim: Video non eſſe repulſas  
 A Superis gentes; video quoscuque fideles  
 Juſtitiaſ ſervos, Domini quoque juſſa timentes,  
 Sint quicunque velint, æternùm poſſe beari.  
 Novimus ut teſtes, quòd Chriſtus verus & unus  
 Filius Excelfi, noſtrâ ſub imagine, ſacro  
 Per plures annos homines inſtruxerit ore.



Vidimus ejectionis ejus virtute malorum  
 Spirituum larvas; reduces in corpora manes  
 Pulsâque morborum mala desperata: sed illis  
 Omnibus explosis urfit Synagoga supremum  
 Hunc benefactorem, quasi magnâ mole reatu  
 Infamem mortisque reum, crucifigere: verum  
 Hunc Deus everso fatorum jure, diebus  
 Vix tribus elapsis vivum prodire sepulchro  
 Jussit, & ostendit nobis magnalia Cœli.  
 Vidimus ut testes; postquam surrexit, eidem  
 Sapius adfuimus fructi potuque ciboque:  
 Munus Apostolicum suscepimus, ire per Orbem  
 Hæc arcana Dei populis proponere jussi.  
 Judicat hic vivos, defunctos judicat idem;  
 Est Deus, est Dominus; cunctorum scimus in illo  
 Verba Prophetarum modò verificata reperi.  
 Convertit stupefacta domus Cornelii ad unum,  
 Mira perorantem, Petrum sua lumina; dumque  
 Pergit in incepto verbi fervore, beato  
 Numinis afflatu, quidquid convenerat, ardet:  
 Quodq; stupefendum; linguarum munere pleni  
 Discipulis Christi similes, Divina loquuntur.  
 Hæc insueta pio Simon miratus amore,  
 Judicat, astantes Baptismo posse lavari:  
 Accurrunt avidi, renovantur fonte salutis;  
 Inque sinu Domini pacato corde quiescunt.  
 Excellens bonitas, quæ parva negotia tanto  
 Fœnore compensat! frustillum panis, & unam  
 Vilis aquæ poscæm Deus æquiparavit Olympo.  
 Hæc miranda sacræ fidei promotio magnum  
 Auxit in ardentis Primatis pectore zelum.  
 Ecce, sibi loquitur, Joppensis visio gentes  
 In fidei gremium conscribi posse revelat.



Sit licet adversus Christum Synagoga rebellis;  
 Defectum gentes reparant: patet orbita Mundi;  
 Hanc meus ex Tarso, populorum buccina, Paulus  
 Mirifico, quacunquè patet, clangore replebit.  
 Conversi Divum meditantem talia Petrum  
 Invitant epulis; junctisque rogatibus orant,  
 Ut pro communi fratrum solamine, saltè  
 Ad tempus residere velit, secumque manere  
 Hic Cæsareæ: sociis alimenta deesse  
 Se non passuros. Petrus, quem visio tutum  
 Fecerat, accumbit mensæ, defertque rogatis.  
 Interea rumor, Petrum convertere gentes,  
 Defertur Solymam; mirantur nuntia fratres,  
 Zelotypi pro Lege Patrum, falsoque putantes,  
 Inacidas solos ad Christi regna vocari:  
 Econtra reliqui, quòd testificante Magistro  
 Lux Evangelii sit cunctis gentibus orta,  
 Urgent; & dubii super hoc problemate certant.  
 Displicere Petro fratrum certamina, justè  
 Schisma pavefcenti; nam diffidentia, talis  
 Dissidii genuina soror, disjungit amicos.  
 Hinc Solymam versus citior vestigia vertit,  
 Ambiguosque super dicto problemate, claro  
 Instruit eloquio, speciatim, qualia Joppes  
 Contigerint ostenta sibi; quid jusserit Æther:  
 His quoque subnectit Christi mandata, jubentis  
 Omnes, in toto per climata quælibet Orbe,  
 Esse creaturas fidei documenta docendas.  
 Adjiciunt dictis animum, referente stupenda  
 Veriloquo Primate Petro; junctique vicissim  
 Unanimésque simul deponunt jurgia fratres.  
 Sic quandoque pios, interludente maligno  
 Dæmone, disjungit quædam contentio: sanctus

A. 10  
48.A. 11  
1.



Spiritus è contrà Fidei protector, eosdem  
Pace reunitos, æterno fœdere jungit.

- Act. 11 Barnaba, adi Tarsum! Paulo data jussa Damasci  
25. A Christo Domino, modò confirmata, requirunt  
Omnigenas gentes tenebris educere. Paule,  
Vox Evangelii refona! vox alma tubarum,  
Clange per extremos Terræ mariúmque recessus!  
Clange, patere domum Domini: celer instrue gen-  
Morte Redemptoris referata palatia Cœli (tes  
Omnibus accessum populis tribuisse. Venite  
Innumerae gentes! vobis per vulnera Christi,  
Pérque fidem veram patet alma perennis Olympi  
Janua: non obstant commissa piacula; totus  
Sub sacris Christi pedibus languescit Avernus.  
Barnaban à Tarso comitatur Paulus amicus,  
Electum Domini Vas; Antiochena reclangit  
His animata tubis Ecclesia: pergite zelo,  
Quem Deus in vestris accendit cordibus, illam  
Ædificare domum, quam nulla potentia Mundi,  
Nulla reclamantis rabies subvertit Averni.  
Antiochenus ager Christi bene cultus aratro,  
Innumeros retulit fructus; primisque fideli  
Attribuit populo nomen venerabile, sumptum  
A nostræ fidei supremo vertice Christo,  
Christiadae; titulus, qui nos regaliter ornat.  
Prædicat interea Divini ex Numinis aura  
Act. 11  
28. Vaticinans Agabus, quòd regnatura per Orbem  
Mortis alumna fames, dum nullos arida tellus  
In segetes culmos patietur crescere, multas  
Affliget gentes, agros cumulando sepulchris.  
Non finit hæc tacito sepeliri pectore larga,  
In socios inopes flagrans, dilectio Pauli;  
Sed confortat eos, qui multis rebus abundant,



Ut pressis adsint, & alant in paupere Christum.  
 Hi quoque morigeri, dant sufficientia charo,  
 Ut juvet ex illis inopes, munuscula Paulo.

POESEOS SACRÆ ET PARTIS QUINTÆ  
 INDUCTIO NONA.

S. MARCUS CAP. 16.

**E**untes in Mundum universum, prædicate Evangelium omni  
 creaturæ. Qui crediderit & baptizatus fuerit, salvus  
 erit: qui verò non crediderit, condemnabitur. Signa autem  
 eos, qui crediderint, hæc sequentur: In nomine meo  
 Dæmonia ejicient; linguis loquentur novis; serpentes tol-  
 lent: & si mortiferum quid biberint, non eis nocebit: su-  
 per ægros manus imponent, & benè habebunt. &c.

SYNOPSIS.

**D**ominus & Salvator noster Iesus Christus mandat Apostolis  
 suis, à Spiritu sancto corroboratis, ut dispersi per univer-  
 sum terrarum Orbem Evangelium omni creatura prædicando an-  
 nuntient, & pluribus prodigiorum signis prædicationem suam  
 ubique confirment.

**P**rodigiosa quidem dederat conversio Pauli  
 Pacem Christicolis aliquantam; pessimò au-  
 Vix degustatam duplicatâ grandine turbo(tem  
 Temperiem rupit; violentus namque Tyrannus,  
 Rex vafer Herodes, populi captando favores, A&. 12  
 Truncavit gladio Boanergis colla Iacobi; I.  
 Simonémque Petrum tenebrofi carceris antro  
 Inclusum, statuit, finito Paschate sævis  
 Macidûm dirè cruciandum tradere turbis.  
 Consternata gemit super his Ecclesia damnis;  
 Continuisque Deum precibus, votisque fatigat,  
 Ut quem constituit Primatem Christus, eundem  
 Pro converforum communi pace, draconum  
 Unguibus eripiat. Deus annuit: abditus undas

Phœ